



Caderno da crítica

Cuestionario Proust: Miguel Ángel Alonso Diz

[Ramón Nicolás](#) 23 de Xaneiro de 2014

<https://cadernodacritica.wordpress.com/2014/01/23/cuestionario-proust-miguel-angel-alonso-diz/>

1.– Principal trazo do seu carácter?

– Honestidade.

2.– Que calidade aprecia máis nas persoas?

– Bondade.

3.– Que agarda das súas amizades?

– Que sexan boas persoas.

4.– A súa principal eiva?

– A ignorancia. Fáltanme moitas lecturas.

5.– A súa ocupación favorita?

– Ler, escribir, xogar ao baloncesto.

6.– O seu ideal de felicidade?

– “Un abrazo de familia”. A miña muller e a miña filla entenderán esta resposta.

7.– Cal sería a súa maior desgraza?

– Perder a miña familia.

8.– Que lle gustaría ser?

– O que son. Eu xa atopei meu camiño.

9.– En que país desexaría vivir?

– Nunha Galicia decidida, valente, que non educara @s seus fill@s para marchar; respectuosa con outras identidades e orgullosa da súa.

10.– A súa cor favorita?

– Direi que a mestura do azul ceo, as verdes follas e o marrón do chan. Inda que para vestir sen dúbida o negro.

11. – A flor que máis lle gusta?

– Gusto de todas.

12.– O paxaro que prefire?

– A anduriña.

13.– A súa devoción na prosa?

– Xosé Neira Vilas.

14.– E na poesía?

– Celso Emilio Ferreiro.

15.- Un libro?

– *Querido Tomás*.

16.– Un heroe de ficción?

– Luke Skywalker.

17.– Unha heroína?

– Princesa Leia Organa. Dende pequeno quedei engaiolado pola súa fortaleza e determinación.

18.– A súa música favorita?

– The Beatles. The Doors.

19.– Na pintura?

– Salvador Dalí. Pero podería dicir Goya ou Velázquez.

20.– Un heroe ou heroína na vida real?

– A miña muller.

21.– O seu nome favorito?

– Esther.

22.– Que hábito alleo non soporta?

– A falsidade e a cobiza sen medida por riba de todo e de tod@s.

23.– O que máis odia?

– As miserias do ser humano. Pero non sei se podo albergar odio onde hai tanto amor.

24.– A figura histórica que máis despreza?

– Posiblemente a Hitler.

25.– Un feito militar que admire?

– Numancia. Pola súa resistencia e valor da liberdade. Pero non creo que poida admirar ningún feito militar.

26.– Que don natural lle gustaría ter?

– Pintar e tocar algún instrumento musical.

27.– De que maneira lle gustaría morrer?

– Despois de facer o meu percorrido vital. En anciá idade e cos meus seres queridos. Inda que hei de confesar que non quero morrer nin que morran os demais.

28.– Cal é o seu estado de ánimo máis habitual?

– Ultimamente felizmente canso.

29.– Que defectos lle inspiran máis indulxencia?

– O medo. É normal ter medo até atopar o camiño. Coñezo ben a sensación. E o medo é un defecto que non deixa medrar a alma.

30.– Un lema na súa vida?

– As cousas son como son até que deixan de selo. Sempre cuestiono as realidades que vivo e nunca collo autoestradas na vida. O camiño do oficio é un camiño longo que desexo percorrer.